

# БЕЙНЕ ЖОБАНЫ ӘЗІРЛЕУ ЖӘНЕ ҚОРҒАУ



# Жобаны әзірлеуге қойылатын талаптар

1. Бейнеклиптерді құру барысында бейне монтаж және бейне жазбаның негізгі қағидаларын сақтаңыздар.

2. Бейнеклиптерді өз сценарийлеріңізге сәйкес өңдеп, дыбыстар, суреттер, әсерлер мен өтулер, мәтін қосыңдар

# 1-тапсырма

## Бейне файлдар түсіру және монтаж жасау

Өз беттеріңше «**Менің бір күнім**» тақырыбында бейне түсіріңіздер. Бейнеклип 3 бөліктен (таңертеңгі, түскі, кешкі уақыт) тұруы керек. Осы үш бейнені бірге қосып, монтаж жасаңыздар.

Тапсырманы орындауға арналған нұсқаулық

1. Бейне камера, фото аппарат, планшет немесе смарт фон көмегімен «**Менің бір күнім**» тақырыбында таңертеңгі, түскі, кешкі уақытты қалай өткізетіндеріңіз туралы бейне түсіріңіздер.
2. Түсірілген 3 бейнені бейнелерді монтаждауға арналған редакторға импорттаңыздар.
3. Импортталған үш бейнені Уақыт шкаласы  $\Rightarrow$  Кадрлау бөліміне орналастырыңыздар

## 2-тапсырма. Суреттерді монтаждау

Бірінші тапсырма барысында түсірілген бейнеклиптерге 4 сурет (басына, бірінші мен екінші бейне арасына, соңына) кірістіріңіздер.

Тапсырманы орындауға арналған нұсқаулық

1. Редактор кітапханасына қажетті суреттерді импорттаңыздар.
2. Суреттерді Уақытшкаласы  $\Rightarrow$  Кадрлау бөліміне тиісті жерлерге орналастырыңыздар.

## 3-тапсырма.

### Бейнеклиптер арасына өтулер мен әсерлер қосу

Бейнеклиптер арасына қолданылатын өтулер мен әсерлерді өз қалауларың бойынша таңдап, қосыңыздар.

Тапсырманы орындауға арналған нұсқаулық

1. Суреттер мен бейнеклиптер арасына қойылатын өтулерді таңдап, кірістіріңіздер.
2. Қажетіне қарай бейнеклиптер мен суреттерге әсерлер қосыңдар.

## 4-тапсырма. Дыбыстық сүйемелдеу қосу

Музыкалық файлды тиісті орыннан жүктеп, бейнеклиптеріңе музыкалық сүйемелдеу қойыңдар. Тапсырманы орындауға арналған нұсқаулық

1. Дыбыстар бөлімінің көмегімен қажетті дыбыстық файлдарды медиа кітапханасына импорттаңдар немесе өздерің дыбыс жазыңдар.
2. Импортталған дыбыстық файлды Уақыт шкаласындағы дыбыстық файлдар қойылатын жолаққа орналастырыңдар.

## 5-тапсырма. Мәтіндер қосу

Құрып жатқан бейнеклиптеріңе мәтін қосыңдар. Міндетті түрде бейнеклип басына атауын, соңына өз аты-жөндеріңізді, түсірілген күн мен уақытты, қолданылған дыбыстық файл атауын қосыңдар.

Тапсырманы орындауға арналған нұсқаулық

1. Мәтін бөліміндегі берілген дайын мәтіндерді қажеттеріңе қарай таңдап, түстерін, өлшемін, қарпін орнатыңыздар.
2. Мәтіннің орналасу орны мен ұзақтығын бейнеклип сценарийлеріне қарай баптаңыздар.
3. Мәтіндерді міндетті түрде бейнеклиптің басы мен соңына кірістіріңіздер.

## 6-тапсырма. Бейнеклипті экспорттау

Монтаждалған бейнеклипті mp4 форматында сақтап, экспорттаңыздар.

Тапсырманы орындауға арналған нұсқаулық

1. Бейнеклипті құру батырмасын баспай тұрып, алдын ала қарау терезесінде монтажын тексеріп алыңыздар.
2. Өзгертетін жерлерді өзгертіп, Құру батырмасын басыңдар.
3. Ашылған терезеден Файл түрін де сақтау нұсқасын таңдап, келесі қадамда mp4 форматын таңдаңдар.
4. Құру батырмасын басып, дайын бейнені экспорттаңыздар.



## Жобаны қорғауға қойылатын талаптар

1. Жоба электронды нұсқада қорғалады.
2. Бейнеклип әдістемелік нұсқаулыққа сай орындалуы керек.
3. Бейнеклиптің жалпы ұзақтығы (3 бейне, 4 сурет, титрлер мен өтулер) 200-250 секундтан аспауы керек.

# СӨЗДІК

**Алмалы тасымалдаушы** - компьютерде ақпаратты сақтау үшін арналған жабдық.

**Жариялау** - фильмді керекті бейне форматта сақтау процесі.

**Сандық камера** - әртүрлі сахналарды пикселдерден тұратын матрицамен сандық кескін түсіретін құрылғы.

**Фильм** - өмір құбылыстарын жинақтап, типтендіріп, бейнелі көрініс түрінде суреттеу үлгісі.